



8

0

集千家註批點杜工部詩集卷之一

須溪先生劉會孟評點

遊龍門奉先寺

魯書曰龍門在東都河南
縣地志云關塞山一名伊

關面俗名龍門黃鶴曰唐志河南自龍門
山東抵天津有伊水然後漢志唐志俱云馮翊

有龍門山按馮翊與河中府為鄰血河中
有龍門縣又有龍門山志云即導河至龍

門之地土記云梁山北有龍門並在河中
之境故河中有龍門關龍門倉九域志云

河南縣有龍門鎖又有關塞山云即龍門
薛仁貴傳云絳州龍門人則絳州亦有龍

門公自秦赴同谷道經龍門鎮則秦成閭
又有龍門嘗考絳至河中不滿三百里馮

朔至河中不湍百里兩地相接按地理河南即春秋時屬魏地後魏兼置雍州乃屬秦州此山之跨數郡是詩乃公開元二十四年後遊東都作

已從招提遊更宿招提境陰壑生靈籟月林散

清影天闕象緯逼雲卧衣裳冷卧字可虛可實用天闕語渾若

夫闕天闕豈欲覺聞晨鍾令人發深省師古曰釋書招

不牽強耶提菩薩皆古佛號故寺謂之招提或名伽藍或名道場其實一也靈籟即風也猶兩曰靈雨蔡

夢弼曰本一作虛籟蔡條西清詩話荆公云天闕當作天闕對雲卧為親切常述東都記龍門

號雙闕以與大内對時若天闕焉此龍門詩也用闕字無疑

贈李白

夢弼曰時李白將為梁宋之遊鶴曰詩云李侯金閨深亦有梁宋遊

當是開元二十四年下考功第後遊齊趙時作按公壯遊討云放蕩齊趙問裘馬頗

清狂快意八九年西歸到咸陽則歸京師在天寶四五載而李白傳云天寶初已引

刻中則此詩當在於開元二十四五載作蓋公詩云二年客東都又有梁宋遊殆是

初遊齊趙時梁權道編在十二載非

二年客東都所歷厭機巧野人對羶腥蔬食常

不飽豈無青精飯使我顏色好苦乏大藥資山

林跡如掃李侯金閨深脫身事幽討亦有梁宋

遊方期拾瑤草

野人所喜者蔬食第對羶腥故思青精飯耳使有大藥資隱山

林絕人跡豈願見此機巧者乎舊解胥胥難合此其至淺者王彥輔曰東都洛陽也學林新編

云陶隱居登真訣有乾石青精餽飯餽音迅謂冷也其法叩南燭草木浸米蒸飯暴乾其色青

如驚珠食之延年此子美所謂青精飯也拉脩可曰丹書抱陽山人藥證曰夫大藥者須鍊沙

中汞能取鉛底金黃芽為根蒂水火鍊功深王洙曰江文通別賦金閨之諸彥注金閨金馬門

也鮑文壹曰嘗供奉翰林故云趙次公曰梁謂亦州今之東京宋謂宋州今之南京也山海經

惜瑤草之徒芳師曰瑤草乃珊瑚樹之類仙家用以金丹藥服餌

望嶽

岱宗夫如何齊魯青未了

望嶽而言即齊魯青未了五字雄蓋一世

○青未了語好夫字誰何跌蕩非湊句也齊魯跋涉廣

造化鍾神秀陰陽

割昏曉盪胃生魯雲

對下句苦○盪胃語不必可解登高意豁自見其趣

決皆入歸鳥會當凌絕頂一覽衆山小

鄭昂曰岱宗泰

山也今屬兗州升中告代于此是山為五嶽之長故曰岱宗趙曰陰陽割昏曉如史記言崑崙

日月所相避隱為光明也割者分也洙曰張衡南都賦涓水盪其胃鄭曰盪他浪切師曰魯與

層通趙曰皆目睫也音墻細切司馬相如賦了不虛發中必決眦此借用其字

劉九法曹鄭瑕丘石門宴集

鶴曰按唐志瑕丘縣本魯

負瑕邑屬兗州石門屬齊州

秋水清無底蕭然淨客心掾曹乘逸興鞍馬到

荒林能吏逢聯璧華筵直一金晚來橫吹好泓

下亦龍吟

無可取○洙曰漢制以曹官為掾如屋之椽也言其有所負荷晉潘岳夏

侯愷美容觀每同行人謂之連璧張詠曰史記注古人以一鑑為一金一鑑三十兩也沈括曰

漢書班超傳注胡樂有橫吹之名洙曰馬融長笛賦近世雙笛從羌起羌人截竹未及己龍鳴

水中不見已載竹吹之聲相似

與李十二白同尋范十隱居

李侯有佳句往往似陰鏗余亦東蒙客憐君如

弟兄醉眠秋共被攜手日同行更想幽期處還

尋比郭生入門高興廢

下注脚不得終待親見自喻耳

待立小

童清落景聞寒杵屯雲對古城向來吟橘頌誰

欲討萋萋

誰恐是推字

不願論簪笏悠悠滄海情

洙曰

陳書陰鏗字子堅善五言詩為當時所重趙曰東蒙山在兗州洙曰後漢姜肱兄弟同被而寢

趙曰比郭生指言范十隱居脩可曰楚詞有橘頌趙曰晉張翰在齊王罔府見秋風起思吳中

菰菜蓴羹鱸魚
膾遂命駕而歸

題張氏隱居二首

鶴曰按舊唐書李白傳云少與魯中諸生張叔

明等隱於徂徠山號為竹溪六逸又子美雜述云魯有張叔卿意叔明叔卿山是二

人卿與明有誤耳不然亦兄弟也是詩題張氏隱居豈其人歟詩中不貪遠害之句

與白傳及雜述意頗合

春山無伴獨相求
伐木丁丁山更幽
澗道餘寒

歷水雪石門斜
日到林丘不貪夜
識金銀氣遠

害朝看麋鹿遊
乘興杳然迷出處
對君疑是泛

虛舟

鶴曰石門見前注洙曰史天官書敗軍敗國之墟下積金寶上皆有氣今詩意謂不

貪故夜識其氣也師曰虛舟喻虛己以遊出洙曰莊子方舟而濟於河有虛船來觸舟雖有偏

心之人不怒人能遊已以遊世其孰能害之

之子時相見
邀人晚興留
濟潭鱣發發
春草鹿

呦呦杜酒偏
勞勸張梨不外
求前村山路險
歸

醉每無愁

洙曰濟一作霽杜康善造酒潘岳閑居賦張公大谷之梨

贈李白

秋來相顧尚飄蓬
未就丹砂愧葛洪
痛飲狂歌

空度日飛揚跋扈為誰雄

飛揚跋扈亦謂太白耳正是妙意舊注以為祿山且沒交涉○趙曰晉書葛洪字稚川聞交趾出丹砂求為勾漏令北史齊高祖謂世子曰侯景專制河南十四年常有飛揚跋扈之志

登兗州城樓

東郡趨庭日南樓縱目初浮雲連海岱平野入

青徐

依仰海槩語何地無之

孤嶂秦碑在荒城魯殿餘從

來多古意臨眺獨躊躇

洙曰兗州漢之東郡夢弼曰公父閑嘗為兗州

司馬公時省侍之故云趨庭是時張玠亦客兗州有分好玠子乃建封也王禹偁曰海岱東海

泰山也青徐二川也皆與兗相接洙曰史記始皇東行卻縣上鄒嶧山刻石頌功德李斯作文

唐志兗州魯郡也王文考魯靈光殿賦序魯靈

光殿者漢恭王餘所立也遭漢中微自西京未央建章之殿悉見隳壞而靈光巋然獨存

對雨書懷走邀許主簿

鶴曰兗州任城縣是也

東嶽雲峯起溶溶滿太虛震雷翻幕燕驟雨落

河魚座對賢人酒門聽長者車相邀愧泥濘騎

馬到階除

洙曰立傳季札曰夫子之在此也猶燕之巢于幕上魏略魏太祖時酒禁

人竊飲之故難言酒以清者為聖人濁者為賢人漢書障中家以席為門門外多長者車轍

已上人茅齋

歐陽公曰魯齋已也善吟詩知名於唐

已公茅屋下可以賦新詩枕簟入林僻茶瓜留

客遲江蓮搖白羽天棘蔓青絲空黍許詢輩難

酌支遁詞

洙曰白羽謂扇也學林新編云天棘蔓青絲蓋天門冬亦名天棘其苗蔓

生好纏竹木上葉細如青絲寺院庭檻中多植之可觀後人改蔓字為夢又釋天棘為柳皆非

也趙曰歐陽公善本夢作蔓字夢弼曰博物志抱朴子皆言天門冬一名顧棘蓋顧天聲相近

也趙曰晉支遁字道林講維摩經許詢常設問難

房兵曹胡馬

胡馬大宛名鋒稜瘦骨成竹批雙耳峻風入四

蹄輕所向無空闊真堪託死生

朽禡老成亦無玄黃亦無牝牡

驍騰有如此萬里可橫行

洙曰漢伐大宛獲汗血馬作西極天馬之

歌鄭曰宛於爰切批篇迷切趙曰柝馬經耳欲銳而小如削洙曰顏延年赭白馬賦品藝驍騰

畫鷹

素練風霜起

素練如霜謂未畫時絹色耳注誤

蒼鷹畫作殊獲

身思狡兔側目似愁胡

以碧眼言之

條鋌光堪摘軒

楹勢可呼何當擊凡鳥毛血洗平蕪

鄭曰獲荀勇切洙曰

攬身猶竦身也隋魏彥深鷹賦立如植木望以
愁胡鄭曰條他刀切編絲繩也鏃徐釗切圓輓
輓也黃山谷曰勢可
呼謂可呼以獵也

臨邑舍弟書至苦雨黃河泛溢隄防之患

簿領所憂因寄此詩用寬其意

鶴曰按唐地理志臨

邑縣屬齊州河南道又按五行志開元二十九年七月伊洛及支川皆溢是秋河南

河北二十四郡水

二儀積風雨百谷漏波濤

大家數語

聞道洪河

圻遙連滄海高職司憂悄悄郡國訢嗷嗷舍弟

卑棲邑防川領簿曹尺書前日至版築不特操

難假龜鼉力空瞻烏鵲毛燕南吹畎畝濟上沒

蓬蒿螺蚌滿近郭蛟螭乘九臯徐關深水府碣

石小秋毫白屋留孤樹青天矢萬艘

隨事有氣無不可寫

吾衰同泛梗利涉想蟠桃倚賴天涯釣猶能掣

巨鰲

洙曰漢書考城令王渙謂土簿仇覽曰枳棘非鸞鳳所棲趙曰及蒙紀年周穆王東

至九江以龜鼉為橋梁洙曰淮南子鳥鵲填河成橋鶴曰齊地紀云勸海東有碣石徐關亦齊地也洙曰山海經東海度索山有大桃屈盤三千里名曰蟠桃列子龍伯之國有大人釣而連

冬 日 有 懷 李 白

寂寞書齋裏終朝獨爾思更尋嘉樹傳不忘角

弓詩此與出象別謂他種樹為隱者之計桓褐

風霜入還丹日月遲未因乘興去空有鹿門期

洙曰左傳昭公二年晉侯使韓宣子來聘公享之韓子賦角弓既享有宴于季氏嘉樹焉宣子

譽之武子曰宿敢不封殖此樹以無忘角弓遂賦甘棠漢書貢禹袒褐不完注云袒者謂僮豎

所著布長襦也褐毛布也鄭曰袒臣瘦切褐胡葛切師曰還丹九轉丹也九變墮壞然後成就

洙曰晉王子猷雪夜乘興放戴安道後漢龐德公携妻子登鹿門山因採藥不返

龍門鶴曰龍門在河南北詩云往來待雙改當是天寶初作○天寶初東都作

龍門橫野斷驛樹出城來氣色皇居近金銀佛

寺開公目注山有佛寺金碧照耀最為勝絕往來時屢改川陸日

悠哉相閱征途上生涯盡幾回魯南豐曰皇居謂洛邑也洪覺

範曰佛地有金色世界銀色世界

天寶初南曹小司寇舅於我太夫人堂下

累土為山一匱盈尺以代彼朽木承諸焚

香瓷甌甌甚安矣旁植慈竹蓋茲數峯嶽

岑嬋娟宛有塵外數致乃不知興之所至

而作是詩鶴曰按唐志吏部員外郎二人一人判南曹為尚書侍郎之貳

蓋在選曹之南故謂之南曹今題曰南曹小司寇則小司寇為刑部侍郎而唐未聞

以待郎判南曹豈郎亦待稱為小司寇耶太夫人乃公之祖母盧氏按年譜天寶三

載盧氏卒

一匱功盈尺三峯意出群望中疑在野幽處欲

生雲慈竹春陰覆香爐曉勢分惟南將獻壽佳

氣日氤氳洙曰書為九仞為山虧一匱匱土籠也師曰陸機草木疏南方生子母竹

今慈竹是也不謂孝竹述異記漢章弟三年子母竹生白虎殿時誦之孝竹群臣作孝竹額洙

曰詩如南山之壽

春日懷李白鶴曰按舊史李白天寶初客遊會稽與吳筠隱於剡中今

公詩有江東之句蓋其時也

白也詩無敵飄然思不群清新庾開府俊逸鮑

參軍渭北春天樹江東日暮雲何時一樽酒重

與細論文鄭曰庾信字子山在周為車騎將軍開府洙曰鮑照字明遠為宋臨海王

參軍趣齋閣覽云或問王荆公去編四家詩以子美為第一太白為第四豈白之才格詞致不

逮子美耶公曰白之歌詩豪放飄逸人固莫及然其格止於此而已不知變也至於子美則悲歡窮泰發歎抑揚疾徐縱橫無施不可故其詩有平淡簡易者有綺麗精確者有嚴重威武若三軍之師者有奮迅馳驟若泛駕之馬者有澹白閑靜若山谷隱士者有風流醞藉若貴介公子者蓋其詩緒密而思深觀者苟不能臻其圖奧未易識其妙處夫豈淺近者所能窺哉此子美之所以光掩前人而後來無繼也元稹以謂蕪人所獨專斯言信矣或者又曰評詩者謂子美期白太過反為白所請公曰不然子美贈白詩則曰清新庾開府俊逸鮑參軍比之更信鮑照而已又曰李侯有佳句性往似陰鏗鏗之詩又在鮑庾下矣李秦伯云渭北子美所至江東白之所

李監宅二首

趙曰詩盡怪綠李令問開元中為秘書監好美服玳饅以奇開於天下有炙鹽嬰鵝之屬係毒取朱今詩有異味重之句豈令問乎

尚覺王孫貴豪家意頗濃屏開金孔雀褥隱繡

芙蓉且食雙魚美誰看異味重門闌多喜色女

婿近乘龍

洙曰唐高祖皇后竇氏父毅仕周尚武帝姊襄陽公主毅曰此文有奇相

何可妄與人畫二孔雀罪罰請昏者射二矢陰約中目則許之閱數十皆不合高祖最後射中各一目遂歸于帝師曰隱如隱凡之隱黃希曰異未字見立傳薛夢符曰楚國先賢傳孫雋李元禮俱聚六尉桓玄之女時人謂桓叔元兩女俱乘龍言得婿如龍也

華館春風起高城煙霧開雜花分戶映嬌燕入

簷迴

絲媚

一見能傾座虛懷只愛才蓋官雖絆

驥名是漢庭來

與任城許主簿遊南池

龜曰任城縣屬兗州

秋水通溝洫城隅集小船晚涼看洗馬森木亂

鳴蟬菱熟經時雨蒲荒八月天晨朝降白露遙

憶舊青氈

宋曰晉王獻之夜卧齋中有盜入屋獻之語去青氈我家舊物可特置之

過宋員外之問舊莊

公自注員外季弟執金吾見知於代故有

句鷄曰按史宋之問號州弘農人嘗為考功員外郎之問舍雖在號而尚莊在首

陽之問弟之梯以踏方開又按宋時增置脩文館學上擇朝中文學之士之問與

杜審言首膺其選故之問有送審言詩云卧病人事愁嗟君萬里行審言死之問有

祭文公與之蓋有世契也

宋公舊池館零落首陽阿枉道祇從入吟詩許

更過

謂之問往矣一任作詩過之尊慕前輩自謙之詞趙注何足以知

淹留問

耆老寂寞向山河

他人開花野草之感真不知其可厭耳

更識將

軍樹悲風日暮多

夢弼曰河南鄆境界薄城東北十里首陽山上有首陽祠

趙凡狂道而遊者猶任其入况能詩者而不
許其過乎公自真可知也洙曰後漢馮異每所
止舍諸將並坐論功異獨屏樹下軍中號曰大
將軍師曰將軍樹異外弟執金吾也

夜宴左氏莊

風林纖月落是起衣露淨琴張暗水流花逐春

星帶草堂景語檢書燒燭短看劍引盃長詩罷

聞吳詠扁舟意不忘豪縱自然結趣蕭散○趙

鄉貢之前遊吳越下第之後遊齊趙此詩云許
罷聞吳詠扁舟意不忘謂因吳二而思其也

鄭駙馬潛宴洞中鶴曰按鄭潛曜尚明皇

愛之姓也史稱潛曜有孝行又按臨晉公
主呈南淑妃所生公與潛曜有舊天寶四
載間嘗為作皇史淑妃碑詳此詩在其先
後也○天寶四載東都作

主家陰洞細煙霧留客夏簟青琅玕春酒盃濃

琥珀薄冰漿枕碧瑪瑙寒悞疑茅堂過江麓已

入風磴霾雲端自是秦樓壓鄭谷如此秦樓鄭

時聞雜珮聲珊珊鄭曰登下剡切登道也洙曰

上鄭谷謂鄭子
真耕於谷也

重題鄭氏東亭公自注在新安界鶴曰新

中是夏作此詩乃
秋作故云重題

華亭入翠微秋日亂清暉崩石歆山樹清連曳

水衣紫鱗衝岸躍蒼隼護巢歸向晚尋征路殘

雲傍馬飛

洙曰尔雅山木及上曰翠微夢弼曰詩住水成文曰漣水衣也隼鷲鳥也

陪李北海宴歷下亭

公自注時邑人蹇處士等在鶴曰李北海

即李邕也按唐史天寶初邕為汲郡北海二郡太守歷下亭在齊州以有歷山故名

又按邕天寶五載奸賊事發此詩當作於天寶四載間

東藩駐皂蓋北渚凌清河海右此亭古濟南

士多

題扁適常如此

雲山已發興玉佩仍當歌脩竹不

受暑交流空湧波蘊真愜所遇落日將如何貴

賤俱物役後公難重過

夢弼曰青齊皆山東之國皆山東藩北渚即北

海即清河乃濟河郡北渚與清河蓋相近也洙曰後漢志中二十石皆皇蓋朱兩藩夢弼曰曹大家東征賦望河濟之交流洙曰謝靈運詩表靈物莫賞蘊真誰為傳江淹詩悠悠蘊真趣

同李太守登歷下古城員外新亭

新亭結構罷隱見清湖陰跡藉臺觀舊氣溟海

岳深

此藉此深亦為北海華師

圓荷想自昔遺堞感至今芳

宴此時具哀絲千古心主稱壽尊客筵秩宴北

林不阻蓬華興得兼梁甫吟師曰清湖指鵲湖也今齊州解舍中

大池是也按地理志歷下亭在清湖之北竝籍臺觀舊謂此亭有圖籍載後齊所築今之芳因

其舊跡故新亭也氣溟海岳深謂此城憑岳帶海二岳之氣溟蒙然深遠也鄭曰堞徒協切城

上垣也具本一作垣趙曰禮記絲聲哀洙曰詩寘之初建左右秩秩蜀志諸葛亮躬耕隴畝好

為梁甫吟

登歷下古城員外孫新亭亭對鵲湖時李

之芳自尚書郎出齊州製此亭北海太守

李邕

吾宗固神秀體物寫謀長形制開古跡曾冰延

樂方太山雄地理巨壑眇雲莊高興泊煩促永

懷清典常含弘知四大出入見三光負郭喜粳

稻安時歌吉祥邕詩冷不可曉師曰曾冰延樂方謂此亭夏月陰涼如積冰然

可以延引歡樂之方耳方讀如方術之方也洙曰易既有典常又含弘光大老子域中有四大

此借用言四方廣大無所覓也

暫如臨邑至嵒山湖亭奉懷李員外率爾

成興

鶴曰臨邑縣屬齊州嵒山湖亭豈所李白詩題所謂鵲湖耶嵒必有一誤

魯曰嵒按玉篇助麥切

野亭逼湖水歌馬高林間鼉吼風奔浪魚跳日

映山暫遊阻詞伯却望懷青閔鵲生雲霧唯

應促駕還

趙曰李員外應在青閔故有却望之句

行次昭陵

夢弼曰唐太宗陵在醴泉縣西鶴曰按天寶五載詔入下通一

藝者詣京師公自東都西歸應詔故道經昭陵也○天寶五載長安作

舊俗疲庸主群雄問獨夫

有典有則

識歸龍鳳質威

定虎狼都天屬尊堯典神功協禹謨風雲隨絕

足日月繼高衢

狀他父子間意

文物多師古朝廷半老

儒直詞寧戮辱賢路不崎嶇往者災猶降蒼生

喘未蘇指揮安率土盪滌撫洪爐壯士悲陵邑

幽人拜鼎湖玉衣晨自舉鐵馬汗常趨

上句叔寒下句

清爽百玄意入冥矣

松栢瞻虛殿塵沙立瞑途寂寥開國

日流恨滿山隅

洙曰庸主謂隋煬帝群雄謂李密之流也按唐紀太宗方四歲

有書生見之曰龍鳳之姿天日之表蘇秦傳秦虎狼之國也今云威定虎狼都謂先定閔中也

天屬父子也謂高祖禪位于太也希曰高祖
謚神堯又遜位如堯太宗有九功之德可歌如
禹也師曰風雲隨絕凡謂李靖之輩從高祖而
起也趙曰魏文帝與孫權書中國雖饒馬其知
名絕足亦時有之歐曰蓋滌撫洪爐謂陶成天
下如洪爐爾洙曰漢書黃帝鑄鼎於荆山下鼎
成而仙去後人名其地為鼎湖脩可曰玉衣貴
人死者珍異之衣洙曰宣帝賜霍光玉衣梓宮
耿秉死亦賜玉衣夢弼曰漢武故事高皇廟中
御衣自篋中出舞於殿上冬衣自下在席上平
帝持哀帝廟衣自在神外

飲中八仙歌

洙曰按唐史李白自知不為
親近所容蓋驚放不脩與賀
知章李適之汝陽王璣崔宗之蘇晉張旭
焦遂為酒八仙脩可曰蔡絛云此歌重疊

用韻古無其體嘗質之叔父元度云此歌
分八篇人人各異雖重押韻無害亦三百
篇分章之意也

知章騎馬似乘船眼花落井水底眠

浙人不喜
騎馬而喜

乘船杜
蓋嘯之

汝陽三斗始朝天道逢麴車口流涎恨

不移封向酒泉左相日興費萬錢飲如長鯨吸

百川衙孟樂聖稱避賢宗之蕭洒美少年舉觴

白眼望青天皎如玉樹臨風前蘇晉長齋綉佛

前醉中往往愛逃禪李白一斗詩百篇長安市

上酒家眠天子呼來不上船自稱臣是酒中仙

張旭三盃草聖傳脫帽露頂王公前揮毫落紙

如雲煙焦遂五斗方卓然高談雄辯驚四筵

不理各極其平生極其醉趣古無此體無此妙

謂為八仙甚稱○八篇近之吾意復如題畫人

目一二語集之成歌像其醉中失口而成更見

佳趣第難為拘檢者道耳洙曰賀知章會稽人

少為秘書監汝陽王璿睿宗之孫讓皇帝憲之

子師曰唐史於遺汝陽王嘗於明皇前醉不能

下致上遣人掖出之璿謝罪曰臣以三斗壯膽

不覺至此地理志酒泉今肅州漢福祿縣地武

帝開之置酒泉郡城下有泉味甘如酒洙曰唐

史李適之雅好賓客飲酒一斗不亂天寶初代

半仙客為左丞相後為李林甫所中罷政賦詩

云避賢初罷相樂聖且銜孟試問門前客今朝

幾箇來晉何曾食萬錢客齋三筆云杜子美

倫不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

人

見

之

能

唐

武

地

地

武

地

地

地

地

不

不

下筆或以頭濡墨而書及醒自以為神仙呼之
後漢張芝好草書常持將謂之草聖師曰唐
史拾遺云焦遂口吃對客不出一言醉後酬酢
如往射時目為酒吃

贈特進汝陽王二十韻

彦甫曰按史睿宗
長子憲本名成器

立為皇太子以玄宗有計平韋氏之功成
器懇讓儲位封為寧王薨謚曰讓皇帝長

子璿封汝陽
郡王加特進

特進群公表天人夙德升霜蹄千里駿風翻九

霄鵬服禮求毫髮推忠忘寢興聖情常有眷朝

退若無憑

言其不藉貴
勢語獨精嫩

仙醴來浮蟻可毛或賜

鷹清閑塵不雜中使日相乘晚節嬉遊簡平居

孝義稱自多親隸萼誰敢問山陵

山陵指祖宗
此十字最有

體氣味
甚長

學業醇儒富辭華哲匠能筆飛鸞聳立

章罷鳳騫騰

語亦
健壯

精理通談笑忘形向友朋寸

腸堪繾綣一諾豈驕矜已忝歸曹植何知對李

膺招要恩屢至崇重力難勝披霧初歡夕高秋

爽氣澄樽壘臨極浦鳧雁宿張燈花月窮遊宴

炎天避鬱蒸硯寒金井水簷動玉壺冰瓢飲唯

三廷巖栖在百層謬持蠡測海况挹酒如澠鴻

寶寧全秘丹梯庶可陵淮王門有客終不愧孫

登上下不相紹徒押韻見意後來祖述皆過○

者賜位特進在二公下特進漢官也兩漢魏晉

以加官莊子馬蹄可以踐霜雪又鵬之徙於南

演也搏扶搖而上九萬里劉孝標論不雜風塵

魏志邯鄲淳歎曹植之才謂之天人今云已黍

歸曹植公以况已之與汝陽王也後漢杜密李

膺俱坐黨錮而名行相次時人亦稱李杜以前

有李固杜喬今云何知對李膺公謙辭也晉衛

瓘奇樂廣曰見此人瑩然若披雲霧而覩青天

夢弼曰陳無己本作巖栖異一勝勝神凌刀稻

時也洙曰莫東方朔論曰以管窺天以蠡測海

注蠡瓢也來戈反左傳齊侯曰有酒如澠有

肉如陵注澠食陵切水出齊國漢書劉向傳淮

南有枕中鴻寶苑秘書並道

術篇名藏在枕中不漏泄也謝靈運詩躡步陵

丹梯漢淮南王安好古愛士招致賓客有八公

之徒晉書隱逸傳孫登好讀易撫一絃琴嵇康

從之遊將別謂曰先生竟無言乎登曰子才多

識寡難乎免於今之世矣子無求乎康不能用

果遭非命乃作幽憤詩

曰昔慙柳下今慙孫登

贈比部蕭郎中十兄

公自注甫從始之子

鶴曰唐此部屬刑部

有美生人傑由來積德門漢朝丞相系梁日帝

王孫蘊藉為郎父魁梧秉哲尊詞華傾後輩風

雅鵠孤騫宅相榮姻戚兒童惠討論見知真自

幼謀拙愧諸昆漂蕩雲天闊沉埋日月奔致君

時已晚懷古意空存中散山陽鍛愚公野谷村

寧紆長者轍歸老任乾坤

洙曰漢丞相蕭何梁武帝姓蕭東觀漢紀

桓紫溫恭有蘊藉周勃傳勃魁梧奇偉晉魏舒少孤為少家甯氏所養甯起宅相者云當出貴

甥舒曰常為外氏成此宅相嵇康為中散人夫居士陽性絕巧而好鍛鄭曰鍛都玩切脩司曰

韓升子齊威入山間父老此何谷曰臣舊畜牛生犢以子買駒少年謂牛下生駒遂持而去傍

鄰以臣為愚遂多為愚公谷洙曰長者轍注見前

今夕行

今夕何夕歲云徂更長燭明不可孤咸陽客舍

一事無相與搏塞為歡娛馮陵大叫呼五白袒

跣不肯成臬盧英雄有時亦如此邂逅豈即非

良圖君莫笑劉毅從來布衣願家無儋石輸百

萬

不深不淺語○洙曰說文曰搏局戲六著十

宜得周通之路說苑曰塞行碁相塞謂之塞也

莊子問毅奚事則搏塞以遊塞先代切夢弼曰左傳馮陵敝邑洙曰宋玉招竟成臬而牟呼五白注云五白搏齒也臬勝也牟倍勝也謂倍勝

而呼散子數也宋劉毅於東府聚博蒲大擲一
判應至數百萬餘人並黑犢以還唯劉裕及毅
在後毅擲得難大喜褰衣繞床叫謂同坐曰非
不能盧不事此耳裕惡之因援五木久之曰老
兄試為卿筮既而四子俱黑其子轉躍未定
裕厲聲喝之即成盧毅意殊不快也又慕容寶
與韓黃李根等博蒲誓之曰世云博蒲有神若
富貴可期願得三盧於是三擲盡盧袒跣大叫
師曰象盧博采也如今之博采有猪有豹是也
涑曰南史桓玄聞劉毅起兵曰毅家無儋石之
儲博蒲一擲百萬共舉大事何謂無成漢蒯通
傳守儋石之儲者闕卿相之位應劭云齊人名
嬰為儋石受二斛晉約云石斗石也師古云儋
者一八之所負儋也音義云儋丁濫切

奉寄河南常尹丈人

公自註甫姑廬在偃
師承常公類有誌

有客傳河尹

今人稱河南尹曰
河尹豈不傳也

逢人問孔融青

囊仍隱逸章甫尚西東鼎食為門戶詞場繼國

風尊榮瞻地絕踈放憶途窮濁酒尋陶令丹砂

訪葛洪江湖漂程褐霜雪滿飛蓬牢落乾坤大

周流道術空謬慙知薊子真怯笑揚雄盤錯神

明懼謳歌德義豐尸鄉餘土室難說祝鷄翁

趙

漢李膺為河南尹而孔融造門為上客時常濟
尹河南故公得以孔融為此涑曰晉郭璞妙於

陰陽其曆嘗受業於鄭公得青囊中書九卷孔
子居宋冠章甫之冠趙曰鼎食者列鼎而食以
言常尸之責一旬又焚其善詩能繼詩之國風
也晉陶淵明字元亮性嗜酒嘗為彭澤令葛洪
字稚川聞交趾出丹沙東為勾漏令洙曰漢書
貢禹短褐不先詩首如飛蓬後漢荀子訓友神
吳之道既則東師公卿以下候之者坐上常數
百人後因遠去遂不知所止揚雄傳雄草大玄
或朝雄以玄尚白雄作解嘲曰今子乃以鳴泉
而笑鳳凰執嚙噉而朝龜龍不亦病乎子徒笑
我其之尚白善亦笑子之病甚虞翻曰不遇盤
報之節何以別利器平治政威稱神明漢地理
志偃師有尸鄉列仙傳祝鷄翁居尸鄉山下養
鷄百餘各有名字呼名則種別而至

贈常左丞文濟

公自注濟之兄澗亦為給事十

左轄頓虛位今年得舊儒相門常氏在經術漢

臣須時議歸前列天倫恨莫俱鴟原荒宿草鳳

沼接亭衢

兩語叙其兄弟世美有前弟後賀之意而讀之亦自可傷

有客雖

安命衰容豈壯夫家人憂几杖甲子泥泥途

謂自

○用事不用事

不謂矜餘力還來謁大巫歲寒仍顧遇

日暮且踟躕老驥思千里飢鷹待一呼君能微

感激亦足慰榛蕪

脩可曰唐六典左右丞掌管轄省事糾舉憲章洙曰漢帝

賢及子玄成皆以經術為相詩春令在原兄弟急難擅弓朋友之墓有宿草而不哭焉晉荀勗

自守書監遷尚書今有賀之者曰奪我鳳凰池
諸君賀我耶中書疑遂晉人比天二鳳凰池月
令養衰老授几杖襄三十年傳絳縣老人曰臣
生之歲正月甲子朔四百有四十五甲子矣趙
孟召而謝過焉曰使吾子辱在泥塗久矣乃武
之罪也吳志陳珣答張綾書曰小巫見於大巫
神器盡矣魏武樂府云老驥伏櫪志在千里魏
志陳登謂曰布曰曹公言待將軍譬如養鷹飢
則為用飽則揚去孫楚鷹賦飢則易呼夢弼曰
按唐書常思謙高宗時為尚書左丞子承慶嗣
立代承慶為鳳閣舍人承慶嗣立武后時亦代
為天官侍郎及無政事嗣立二子洹濟終陳留
太守濟天寶中授尚書左丞三世並為省轄世
罕其比

奉贈常左丞丈二十二韻

鶴曰此詩前後
存陳情也公以

開元二十四年頃京兆貢舉而不第遂困
長安故云早充觀國賓旅食京華春至天
寶六載玄宗詔天下有一藝者赴闕下公
自東都歸應詔而林甫忌人已在建言乞
先下尚書省試遂無一中者公由是退下
故云主上頌見微青冥却垂翅去云况懷
辭大臣公明年果
及有東都之遊也

紉袴不餓死儒冠多誤身
丈人試靜聽賤子請

具陳阮悲憤具甫昔少年日早充觀國賓讀書

破萬卷下筆如有神此語本誇大但得賦料揚

雄敵詩看子建親料他人不能敵者惟有子建

英氣橫出李邕求識面王翰願卜隣自謂頗挺出立

登要路津致君堯舜上再使風俗淳此意竟蕭

條行歌非隱淪騎驢三十載旅食京華春朝扣

富兒門暮隨肥馬塵殘盃與冷炙到處潛悲辛

主上頃見徵歛然欲求伸青冥却垂翅蹭蹬無

縱鱗甚愧夫人厚甚知天人真入得每於百察

上猥誦佳句新竊效貢公喜難甘原憲貧焉能

心快快祇是走跋跋今欲東入海即將西去秦

尚憐終南山回首清渭濱常擬報一飯况懷辭

大臣白鷗沒浩蕩沒字本不如波字之趣但以上下語勢當是沒字相應

萬里誰能馴此起結皆可慨然非乞憐語也常自知杜必嘗薦而不達故有心快

快走跋跋之歎未止如此悲壯未衰○洙曰前漢班氏叙傳班伯與王許子弟為群在於綺襦

紈袴之間非其所好也易師貞丈人吉注丈人嚴莊之稱也夢弼曰漢樓護傳王邑居尊下稱

賤子主壽趙曰易觀國之光利用賓于王前漢楊雄傳雄好詞賦每作賦擬相如黃曰魏曹植

字子建善屬文著責躬公讌等持後人謂天下才共一石子建獨得八斗師曰唐李邕有才名

後進想慕求識其面以至道途聚觀傳其眉目有異王翰文士也杜華嘗與遊從華母崔氏云

吾聞孟母三徙吾今欲卜居使汝與王翰為鄰
夢弼曰唐新書甫少貧不自振客齊趙吳越間
李邕奇其才先往見之洙曰前漢王吉字子陽
與貢禹彈冠言其取舍同也史記仲尼弟子傳
原憲攝敝衣冠見子貢子貢恥之曰夫子豈病
乎憲曰吾聞之無財者謂之貧學道而不能行
者謂之病憲貧也非病也終南山長安南山也
一名中南言在天之中都之南脩可曰潘安仁
西征賦言長安之境曰南有玄灞素澹北有清
渭濁涇洙曰史記范睢傳一飯之德必償睢眦
之怨必報東坡志林淵明採菊東籬下悠然見
南山採菊之次偶然見山初不用意而境與意
會故可喜也今皆稱望南山子美白鷗沒浩蕩
萬里誰能馴蓋滅沒於煙波間耳而宋敏求謂
余云鷗不解沒改作波字二詩改此兩字便覺
篇神氣索然

高都護驄馬行

鶴曰按新舊史高仙芝開元才為安西副都護舊注

以為高
遠非也

安西都護胡青驄聲價歛然來向東此馬臨

陣久無敵與人一心成大功亦是精語功成惠養隨

所致飄飄遠自流沙至雄姿未受伏握恩猛氣

猶思戰場利此氣骨不可少腕促蹄高如踣鐵交河幾

蹴魯冰裂五花散作雲滿身萬里方看汗流血

長安壯兒不敢騎走過掣電傾城知青絲絡頭

為君老何由却出橫門道

只亦此語絕是○洙曰唐安西郡東至烏

善鎮去交河郡七百里北一古鄰上藩西連疏勒去

忽嶺七百里北一厥貞觀中初置安西都護

於西州顯慶中移於龜茲城故許勿切忽也

顏延年赭白願終惠養蔭本技也劉曰天

馬經馬耽欲一則健蹄欲高則耐險峻培

園覆切踏也爭不層積之火魯與層同孝禮

曰西域傳大宛函多善畜上狗號天馬子洙

因取五色北馬置其下也又曰露赤汗洙

曰天馬歌體容與芳進萬三又曰露赤汗洙

流赭末曰馬善行者追風逐電走過如掣電言

其疾也夢弼曰一樂府青絲纏馬尾黃金終馬

頭三輔黃圖長安城北出馬頭第一門曰橫門

門之外有橋曰橫橋如亭曰橫音光

冬日洛城北謁玄元皇帝廟

公自注廟有吳道子畫五

聖圖趙曰玄元皇帝李老君也洙曰天寶

初玄元皇帝降于丹鳳門之通衢告錫靈

符在尹喜之故宅上遣使得之乃置玄元

廟於天寧坊二年追尊太聖祖玄元皇帝

仍詔天下諸郡建紫極宮○天寶九載自

長安復遊東都作

配極玄都闕憑高禁禦長守祧嚴具禮掌節鎮

非常碧瓦初寒外金莖一氣旁

如此清山河扶繡戶日月近雕梁仙李盤根大

映耳 倚蘭奕葉光世家遺舊史道德侍今王畫手看

前輩吳生遠擅場森羅移地軸妙絕動官墻五

聖聯龍袞千官列鴈行冕旒俱秀發旌旆盡飛

揚翠栢深留景紅梨迥得霜風箏吹玉柱露井

凍銀床身退卑周室經傳拱漢皇在周時為柱

使後代拱而師谷神如不死養拙更何鄉趙曰

事之此詩意也在洛城之比故曰配極玄都丹臺仙真之所也

故以言廟珠曰漢書音義禁死之禦折竹以懸

繩連之使人不得往來也周禮分官守祧遷主

之所藏也又地官掌節注節猶信也琪曰碧瓦

琉璃瓦也珠曰班孟堅西都賦抗仙掌以承露

權雙立之金莖注金莖銅柱也定功曰老子生

指李樹為姓而唐以為聖祖作曰仙李盤根大

珠曰漢孝景王后夢曰入其懷以七月七日生

武帝於倚蘭殿奕葉猶累世也世家讀舊史謂

太史公不作老子世家而置於列傳道德待今

王謂老子道德經明皇親往也吳道子陽翟人

畫高祖太宗高宗中宗睿宗像於玄元廟天寶

間五帝皆加太聖皇帝之字風箏謂擲箏掛之

風際風至則鳴也銀床井欄也古詩後園鑿井

銀作床金瓶素練汲寒漿史記老子周守藏室

之史也其學以自隱無名為務居周久之見周

之衰乃遂去師曰經傳拱漢皇謂漢文景皆崇

尚黃帝老子之術也珠曰老子谷神不死是謂

玄批贈衛八處士師曰按唐史拾遺公與李白

少號小友○天寶九載日東都復歸長安

作

人生不相見動如參與商今夕復何夕共此燈
燭光少壯能幾時鬢髮各已蒼訪舊半為鬼驚
呼熱中腸焉知二十載重上君子堂昔別君未
婚兒女忽成行怡然敬父執問我來何方問荅
未及已兒女羅酒漿夜雨剪春韭新炊間黃粱
主稱會面難一舉累十觴十觴亦不醉感子故
意長明日隔山嶽世事兩茫茫陽關之後此語
為暢○洙曰昭
元年傳高辛氏二子閼伯實沈居于曠林不相
能也右帝遷閼伯于商丘主辰商人是因故辰

為商星遷實沈于大夏主參唐人是因故參為
晉星曹子建詩主稱千金壽古詩會面安可知
贈翰林張四學士均鮑曰相張說之子尚
寧親公主明皇眷之
即禁中
置內宅

翰林逼華蓋鯨力破滄溟兩截不成對天上張公子

宮中漢客星賦詩拾翠殿佐酒望雲亭紫誥仍

兼縮黃麻似六經兼縮六經高鳳
聚螢皆如戲耳內分金帶赤

恩與荔枝青無復隨高鳳謂鳳飛於高何物小
兒政是用人名戲筆

與桃紅李白驥子鶯歌等其親狎恣別空餘泣
不見痕跡轉換而故人厚者自知之耳

聚螢此生任春草垂老獨漂萍倘憶山陽會悲

歌在一聽

夢弼曰晉天文志華蓋力屋所以蔽覆帝座天子之華蓋象之逼華蓋言

密邇帝里也漢成帝微行常與張放俱時童謠云燕燕尾涎涎張公子時相見洙曰漢光武與

嚴光共卧太史奏客星犯帝座趙曰拾翠殿在東內景福殿之東南望雲亦在西內景福殿之

西鶴曰制誥本集賢學士領之今翰林學士得分掌故云兼縮洙曰以紫泥封誥故曰紫誥寫

誥辭於黃麻紙上訓辭謹嚴如六經翰林拜命日賜金荔枝帶高鳳後漢逸民也車胤囊螢照

書晉嵇康阮籍為竹林之會山陽康所居也向秀後經山陽作聞笛賦

重經昭陵

草昧英雄起謳歌曆數歸風塵三尺劔社稷一

戎衣翼亮貞文德丕承載武威聖圖天廣大宗

祀日光輝陵寢盤空曲熊羆守翠微再窺松栢

路還見五雲飛

師曰草而不齊昧而不明言隋未之削也洙曰書予欲左右有

民汝翼又使宅百揆亮采惠疇又不承哉武王烈陵山陵也寢寢廟也熊羆守陵寢之兵也翠

微山杪也夢弼曰符瑞圖京房易飛候云大明八年宣太后陵前後數有光及五色雲又有五

綵雲在松下如車蓋焉

故武衛將軍挽詞三首

嚴警當寒夜前軍落大星壯夫思敢決哀詔惜

精靈

上下含畜符美有恨

王者今無戰

借用語

書生已勒銘

封侯意踈闊編簡為誰青

赤而芒角自東北西南流投于諸葛亮管俄而亮卒鍾士季檄蜀文

王者之師有征無戰後漢吳祐傳青簡注火炙

簡令汗取其青易書復不蠹謂之汗簡

舞劍過人絕鳴弓射獸能鉅鋒行愜順猛噬失

躡騰赤羽千夫騰

指馬為炙

黃河十月冰橫行沙漠

外神速至今稱

夢弼曰鉅思廉切利也言兵威之行寇無不欣然效順者躡音

喬姓貌言如猛虎之齧噬而為之失喪其性命也脩可曰家語赤羽若日白羽若月千夫騰言

所騰者千兵也

哀挽青門去新阡絳水遙路人紛雨泣天意颯

風颯部曲精仍銳匈奴氣不驕

匈奴尚畏其部曲則逝者可知

書主善頌者也無由觀雄略大樹日蕭蕭

順放得是○希曰三輔黃

圖曰張安城東出南頭第一門呂霸城門或月青門絳水甯絳水而言洙曰漢光武紀注大將

軍營有五部三校尉部下有曲曲有軍候一人馮異傳諸將並立論功異常獨屏樹下軍中號

曰大樹將軍

兵車行

師曰此詩為唐玄宗用兵吐蕃而作託漢武以風朝也

車麟馬蕭蕭行人弓箭各在腰耶孃妻子走

相送

公自注云古樂府不聞耶孃哭子聲但聞黃河之水流濺濺

塵埃不見咸

陽橋牽衣頓足攔道哭哭聲直上干雲霄道旁

過者問行人行人但云點行頓或從十五北防

河便至四十西營田去時里正與裹頭歸來頭

白還戍邊邊庭流血成海水武皇開邊意未已

君不見漢家山東二百州千村萬落生荆杞縱

有健婦把鋤犁禾生隴畝無東西况復秦兵耐

苦戰被驅不異犬與雞長者雖有問後夫敢伸

恨且如今年冬未休關西卒縣官急索租租稅

從何出信知生男惡反是生女好生女猶得嫁

比隣生男埋沒隨百草君不見青海頭古來白

骨無人收新鬼煩冤舊鬼哭天陰雨濕聲啾啾

洙曰秦國風有車麟麟注衆車聲車攻詩蕭蕭

馬鳴注言不謹譁何覲曰咸陽橋即長安城外

橋師曰點行者漢史謂之更行以丁籍點照上

下更換差役防河謂築隄備河水泛決營田如

漢趙充國獻營田之策無事則耕有事則戰寓
兵於農之意洙曰里正一里之長也嚴助傳武
帝好征伐四夷開置邊郡夢弼曰隋西域傳吐
谷渾城在青海西四十里唐哥舒翰傳築神威
軍於青海上吐蕃攻破之又築城於青海中趙
曰時有事于吐蕃乃青海之地哥舒翰所立功
也

同諸公登慈恩寺塔

公自注時高適薛據先有此作洙曰西京

雜記西京外郭城進業坊慈恩寺隋無漏寺之故地武德初廢貞觀中高宗在春宮為文德皇后立故以慈恩為名寺西院浮圖六級高二百尺永徽三年沙門玄奘所立○天寶十載在長安作

高標跨蒼穹烈風無時休自非曠士懷登茲翻

百憂方知象教力足可追冥搜仰穿龍蛇窟始

出枝撐幽七星在北戶河漢聲西流羲和鞭白

日少昊行青秋秦山忽破碎

秦樊察亭本如此近是

涇渭

不可求俯視但一氣焉能辨皇州迴首叫虞舜

蒼梧雲正愁惜哉瑤池飲日晏崑崙丘黃鵠去

不息哀鳴何所投君看隨陽鴈各有稻梁謀

洙曰

王筠樓頭陀寺碑正去既沒象教陵夷注謂為形象以教人孫興公天台賦非夫遠寄冥搜篤信通神者何肯遙想而存之鄭曰仰穿龍蛇窟謂塔間磴道屈曲而升也撐抽庚切邪柱也塔

每級之下蓋多枝撐至其盡級高處則為出枝
撐幽矣鶴曰寺在長安塔高三百尺則泰山居
東且遠自應不能爭高涇渭雖為大川亦以塔
高而水不可見也宣和間樊察序鴈塔題名亦
云杜詩所謂泰山忽破碎涇渭不可求蓋言其
高遠洙曰山海經南方蒼梧之川其中有九疑
山舜所葬也穆天子傳周穆王觴西王母於瑤
池之上又曰天子升于崑崙之丘以觀皇帝之
宮趙曰此暗記慈恩寺之事南望蒼梧託虞舜
以思高宗西望瑤池托西王母以思文德皇后
也洙曰韓詩外傳夫黃鵠一舉千里禹貢陽鳥
攸居註隨陽之鳥鴻鴈之屬也希曰鴻鴈事多
用稻梁本
出我國策

投簡成華兩縣諸子

鶴曰舊本次此詩為
成都作是以成華為

成都華陽兩縣今以詩考之乃在長安作
疑是咸陽華原二縣咸誤作成也

赤縣官曹擁材傑軟裘快馬當冰雪長安苦寒

誰獨悲杜陵野老骨欲折南山豆苗早荒穢青

門瓜地新凍裂鄉里兒童項領成朝廷故舊禮

數絕自然棄擲與時異况乃踈頑臨事拙饑卧

動即向一旬敝裘何啻聯百結君不見空墻日

色晚此老無聲淡垂血

趙曰京邑屬縣有赤有
畿其浩穰者為赤洙曰

杜陵野老公自稱也杜陵乃公所居之地前漢
地理志杜陵屬長安古杜伯國宣帝葬此國曰

杜陵楊惲傳惲既失爵位家居治產酒後耳熱
仰天拊缶而呼息曰其詩田田彼南山蕪穢不
治種一項豆落而為箕人生行樂耳須富貴何
時陶潛詩種豆南山下草盛豆苗稀蕭何傳召
平故秦東陵侯秦破為布衣貧瓜長安城東城
之門謂之青門董京威衣百結之衣

杜位宅守歲

鮑曰時公在長安從弟杜位宅守歲是年公四十歲

守歲阿咸家椒盤已頌花盞簪喧擪馬列炬散

林鴉四十明朝過飛騰暮景斜誰能更拘束拘束

援得爛醉是生涯結貴類暢能自言則達矣○咸一作戎洙曰晉王戎字濬

作阮籍與戎父渾為友嘗謂渾曰共卿語不如與阿戎談鶴

事善本云欲喚阿咸來守歲林馬攪馬闌喧譁

正用公此詩也夢弼曰晉劉羨妻元日獻椒花頌庾信詩椒范逐頌來易勿疑朋盞簪此言明

交會宴也列炬散林鴉言燭炬之明鴉鵲驚飛也

玄都壇七言六韻寄元逸人

夢弼曰玄都壇漢武帝所

築在長安南山子午谷中師曰元逸人隱道士也有神仙之術○天寶十一載在長

安

故人昔隱東蒙峯已佩含景蒼精龍故人今居

子午谷獨在陰崖結茅屋屋前太古玄都壇青

石漠漠常風寒子規夜啼山竹裂王母晝下雲

旗翻知君此計誠長往芝草琅玕日應長鐵鑠

高垂不可攀致身福地何蕭爽珠曰東家以蒙山在東曰東蒙

地理志屬兗州趙曰蒼精龍劍也蔡曰春秋繁露云劍佩於左蒼龍之象詠曰後漢公孫端劍

銘含景吐商夢弼曰三秦記子午長安正南也山名秦嶺谷名褒斜長安志王莽有意墓漢通

子午道時名為子午谷劉曰周穆王與王母會於瑤池雲旗霓裳擁簇自天而下夢弼曰漢武

內傳王母曰太上之藥有廣庭芝草碧海琅玕按道藏經晉時有戌卒也於子午谷入谷之西

澗水窮處忽見鐵鎖下垂約百有餘丈戌卒欲挽引而上有虎蹲踞焉

樂遊園歌

公自注晦日賀蘭揚長史筵醉中作○珠曰按西京記樂遊園

漢宣帝所立唐長安中太平公主於原上置亭遊賞其地四望寬敞每上巳重陽士

女於此後輿登高車馬填塞朝士詞人賦詩翌日傳於京師鶴曰唐志德宗時李泌

請廢正月晦以二月朔為中和節乃著令與上巳九日為三令節即是前此以正月

晦日為節也

樂遊古園萃森爽煙綿碧草萋萋長公子華筵

勢最高勢字似無見秦川對酒平如掌長生木瓢示

真率更調鞍馬狂歡賞青春波浪芙蓉園白日

雷霆夾城仗閭闔晴開誅蕩蕩曲江翠幕排銀

榜拂水低迴舞袖翻綠雲清切歌聲上婉約却

憶年年人醉時只今未醉已先悲數莖白髮那

拋得百罰深盃亦不辭語達白別聖朝已知賤士醜

一物自荷皇天慈此身飲罷無歸處獨立蒼茫

自詠詩每誦此結不自堪○吾嘗墮淚於此岸

甲三秦記長安正南秦嶺嶺根水流為秦川趙

曰長生木瓢乃木瓢脩長而生者用之以酌酒

夢弼曰西京記唐玄宗開元間禁來城自大明

官至曲江芙蓉園仗天子來幸之儀也洙曰漢

禮樂志遊閭闔觀玉臺應劭曰閭闔天門也又

天門開誅蕩蕩如漉曰誅讀如迭誅蕩蕩天體

堅清之狀晉潘尼洛水詩翠幕映洛湄沈炯林

屋解記崑山平圃銀榜相輝夢符曰西京記高

帝令戒夫人歌出塞望歸之曲後官齊唱聲入

雲霄

敬贈鄭諫議十韻

諫官非不達詩義早知名破的由來事先鋒孰

敢爭思飄雲物外律中鬼神驚毫髮無遺恨波

瀾獨老成野人寧得所天意薄警浮生多病休

儒服冥搜信客旌築居仙縹緲旅食歲崢嶸使

者求顏闔諸公厭禰衡將期一諾重歛使寸心

傾君見途窮哭宜憂阮步兵

夢弼曰破的先鋒皆以此諫議之詩

筆也鮑明遠舞鶴賦歲崢嶸而催暮洙曰莊子魯君聞顏闔得道之士也使人以幣先焉使者致幣顏闔口恐聽者謬而遣使者罪不若審之使者復來求之則不得已漢禰衡字正平有才辨氣剛傲好矯時慢物曹操怒之送與劉表表恥不能容以江夏太守黃祖性急故送衡與之後竟為祖所殺季布傳辨士曹丘生謂布曰楚人諺口得黃金百斤不如得季布一諾晉阮籍為步兵校尉率意命駕不由徑路車迹所窮輒慟哭而反

送常書記赴安西

夫子歛通貴雲泥相望懸白頭無藉在

藉在如物類語

爾謂無人復慰藉如常也故與哀憐為對以為通籍殊姓

朱紱有哀憐書記

赴三捷公車留二年欲浮江海去此別意茫然

夢弼曰晉丁彬書雲泥異途邈矣懸隔藉本作藉非千金翼論老人之性必恃其老無有藉在兼曰唐志元帥節度使有掌書記一人洙曰詩一月三捷漢東方朔待詔公車師古曰公車令屬衛尉上書者所詣

奉贈太常張卿均二十韻

夢弼曰按唐書張說一子均均

明皇時說在中書洎自翰林學士遷太常卿均亦供秦翰林此篇兼羨其父子兄弟

也鶴曰舊本
題作贈均非

方丈三韓外崑崙萬國西建標天地闊誰絕古

今迷

言其出使荒遠絕跡特非常語故未易諭耳舊計皆誤如建標猶立柱彷彿其持節

意氣得神仙迥恩承雨露低

公子如此想像出塵

相門清

議衆儒術大名齊軒冕羅天闕琳琅識介珪伶

官詩必誦夔樂典猶稽健筆凌鸚鵡銛鋒瑩鸚

鵡友于皆挺技公望各端倪通籍踰青瑣亭衢

照紫泥靈虬傳夕箭歸馬散霜蹄能事聞重譯

嘉謨及遠黎弼諧方一展班序更何躋適越空

顛躓游梁竟慘悽謬知終畫虎微分是醯雞萍

泛無休日挑陰想舊蹊吹噓人所羨騰躍事仍

睽碧海真難涉青雲不可梯顧深慙鍛鍊才小

辱提携檻束哀猿叫枝驚夜鵲棲幾時陪羽獵

應指釣潢溪

洙曰漢郊祀志蓬萊方丈瀛州三神山在渤海中魏志三韓在帶方

之南東西以海為限有馬韓辰韓弁韓三種故曰三韓禹貢注崑崙在荒服之外流沙之內太常卿掌樂者也故用伶官夔樂事漢禰衡在黃祖座工作鸚鵡賦筆不停綴文不加點鸚鵡水

鳥也膏中瑩力藝苑雌黃云昔人文章多以兄弟為友于日月為居諸黎民為周餘子孫為詒厥新婚為燕爾類皆不或文理雖杜子美韓退之亦有此病豈非徇俗之過耶子美云山鳥山范吾友于又云友于皆拔退之云豈謂詔厥無基趾又云為汝惜居諸後漢史弼傳云陛下階於友于不忍恩絕曹植求通親親表云下之而隔友于同憂晉史贊論中北類尤多洪駒父云此歇後語也夢弼曰晉唐駿傳乃虞潭之兄子王導謂駿曰孔愉有公才而無公望丁潭有公望而無公才兼之者其在鄉乎莊子不知端倪倪注端緒也倪畔也洙曰漢元帝紀令從官給事官司馬中者得為天父母兄弟通籍應劭曰籍者為二尺竹牒記其年紀名字物色懸之官明案省相應乃得入也青瑣戶邊青鑲天子制也後漢志天子信璽六璽皆以武都紫泥封

龍取之也莊子馬蹄可以踐霜雪漢紀重譯師古曰譯謂傳言也趙曰適越遊梁公目謂也公本傳少貧客吳楚又公贈李白詩亦有梁宋遊是也朱曰馬榜戒兄子書云畫虎不成反類狗也莊子孔子見老聃出謂顏回曰丘之道其猶醯雞歟微夫子之發吾覆也吾不知天地之大全也田曰張景陽七命曰楚之陽劔歐治所營乃鍊乃鑠萬辟千灌注云鍛鍊刻若成材之義此言張卿恩顧我雖深而自慙鍛鍊之禾至耳夢弼曰楊雄從孝成帝羽獵因作賦以風呂望釣於磻溪得五璜遇文王載俱立以為師公意蓋有望於張卿之薦已也

奉贈鮮于京兆二十韻

鮑曰鮮于神通也

王國稱多士賢良復幾人異才應間出爽氣必

殊倫始見張京兆宜居漢近臣驂騮開道路鵬

鷲離風塵意氣自得非侯伯知何筭文章實致

身奮飛超等級容易失沉淪脫略蟠溪釣操持

郢匠斤雲霄今已逼合袞更誰親鳳穴雛皆好

龍門客又新義聲紛感激敗績自逡巡途遠欲

何向天高難重陳學詩猶孺子鄉賦念嘉賓不

得同晁錯吁嗟後却說計踈疑翰墨時過憶松

筠沈落無所可入獻納紆皇眷中間謁紫宸且

隨諸彥集方覬薄才伸破膽遭前政陰謀獨秉

鈞微生霑忌刻萬事益酸辛交合丹青地恩傾

雨露辰有儒愁餓死早晚報平津洙曰漢張敞

兆尹元帝即位持詔鄭朋薦敞先帝名臣宜傳

輔皇太子趙曰語何足筭也此言侯伯之人多

矣至於無筭而鮮之致身則實以文章也洙曰

莊子野人望漫其鼻端使臣石斲之山海經丹

穴之山有名鳳後漢李膺性簡亢無所交接有

論思日月獻納紫宸殿名明皇詔天下有一藝
詣闕就選李林甫恐士或片已建言請委尚書
省試問遂無一中者公應詔退下是為林甫所
沮故下有破膽陰謀之語也趙曰鹽鐵論公卿
者神化之丹青沫日東方朔傳臣朔飢欲死公
孫弘為丞相封平津侯身食一肉脫粟飯故人
賓客仰衣食奉
祿皆以給之

貧交行

翻手作雲覆手雨紛紛輕薄何須數君不見管

鮑貧時交此道今人棄如土

吳從俗諺略證百
意○涉一戶記管

仲少時與鮑叔牙游鮑叔終善遇之管仲曰十
我者父母也知我者鮑子也

白絲行

縹絲須長不須白越羅蜀錦金粟尺象床玉手

亂殷紅萬草千花動疑碧已悲素質隨時染裂

下鳴機色相射美人細意熨帖平裁縫滅盡針

線跡春天衣着為君舞蛺蝶飛來黃鸝語落絮

遊絲亦有情隨風照日宜輕舉

佳處○商
得念四

香汗

清塵汚顏色開新合故置何許君不見才士汲

引難恐懼棄捐忍羈旅

此殆自况賓士間意不
合無限慨嘆○鄭曰殷

烏切赤黑色射食亦切
爨紆物切火展布

蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色
蘇軾春天來香色

集千家註批點杜工部詩集卷之一

杜詩註一卷補遺

贈韋左丞

范元實詩眼云山谷謂文章必謹布置每見後學多告以原道

命意曲折後予以此槩考古人去變如子
美贈韋左丞詩云紈袴不餓死儒冠多誤
身此一為立意也故使人靜聽而具陳之
耳自甫昔少年日至再使風俗淳皆言儒
冠事業也自此意竟蕭條至蹭蹬無縱鱗
言誤身如此也則意舉而文備故已有是
詩矣然必言其所以見韋者於是有厚愧
真知之句所以真知者謂傳誦其詩也然
宰相職在薦賢不當徒愛人而已士固不
能無望故曰竊效貢公喜難甘原憲貧果
不能薦賢則去之可也故曰焉能心怏怏
祇是走跋跋又將入海而去秦也然其去

也必有遲遲不忍之意故曰尚憐終南山
回首清渭濱然所知不可以不別故曰常
擬報一飯况懷辭大百夫如是可以相忘
於江湖之外雖常亦不得而見矣故曰白
鷗波浩蕩萬里誰能馴終焉此詩前賢錄
為壓卷其布置最得正體如官府甲第廳
堂房舍各有定處不可亂也韓文公原道
與書之充典蓋如此其他皆謂之變體可
也又云詩有一篇命意有句中命意如老
杜贈常詩前後布置是一篇命意也至其
道遲遲不忍云之意則曰向憐終南山回
首清渭濱其道欲與常別則曰常擬報一
飯况懷辭大臣此句亦命意也蓋如此然
後可謂頑挫高雅矣東泉雜錄云直問荆
公老杜詩何故妙絕古今公曰老杜固嘗
言之讀書破蕪卷下筆如有神

奉寄常尹

蔡興宗正異云此詩誰
話况雞翁誰話從一作事兒列

傳正文作難說不字字之訛也况一作
州音州又音祝

謁玄元廟

復齋謾錄云國史補云唐人燕
集必賦詩推一人擅揚鄭暖尚

升平公主盛集李端擅揚送別相巡江淮
錢起擅揚乃知子美詩畫手看前輩吳生
遠壇揚唐人素有此詩山谷簡王立之曰
凡作詩賦要以宋玉賈誼相如子雲為師
略依放其步驟乃有古風杜詩云畫手看
前輩吳生遠擅揚蓋古人於能事不獨求
誇時輩須要於
前輩中擅揚耳

杜詩註一卷補遺

杜詩卷一

四十四



